



# Assemblymember ডায়ানা মোরেনো (Diana Moreno)

36তম ডিস্ট্রিক্ট | অ্যাস্টোরিয়া এবং লং আইল্যান্ড সিটি

বসন্ত 2026 (718) 545-3889 ad36@nyassembly.gov




## প্রিয় প্রতিবেশী,

আমার নাম ডায়ানা মোরেনো, এবং আজ আমি আপনাদের নতুন অ্যাসেম্বলিমেম্বার হিসেবে নিজের পরিচয় দিতে লিখছি! বিগত কয়েক মাস ধরে, নিউ ইয়র্ক স্টেট অ্যাসেম্বলিতে আপনাদের প্রতিনিধিত্ব করার সম্মান আমি পেয়েছি।

আমাদের অনেক প্রতিবেশীর মতো, আমিও একজন অভিবাসী নিউ ইয়র্কবাসী। আমার জন্ম ইকুয়েডরে, এবং যখন আমার বয়স 11 বছর, তখন আমার পরিবার ও আমি স্থিতিশীলতা এবং কাজের সুযোগের সন্ধানে মার্কিন যুক্তরাষ্ট্রে চলে আসি। আমার মা-বাবাকে তাদের অভিবাসন স্থিতির কারণে শোষণ ও বৈষম্যের শিকার হতে দেখে আমি একজন শ্রমিক সংগঠক এবং অভিবাসী অধিকার কর্মী হওয়ার অনুপ্রেরণা পেয়েছিলাম।

আমি আমার জীবন শ্রমিক শ্রেণীর শক্তি গড়ে তোলার জন্য উৎসর্গ করেছি, কুইন্সের সংস্থা 'নিউ ইমিগ্র্যান্ট কমিউনিটি এমপাওয়ারমেন্ট' (NICE)-এর ডেপুটি ডিরেক্টর হিসেবে অনথিভুক্ত শ্রমিকদের সংগঠিত করা থেকে শুরু করে, 'নিউ ইয়র্ক স্টেট নার্সেস অ্যাসোসিয়েশন' (NYSNA)-এর কমিউনিকেশনস ম্যানেজার হিসেবে নিউ ইয়র্কের ইউনিয়নভুক্ত নার্সদের সহায়তা করা পর্যন্ত।



4 ফেব্রুয়ারি, 2026: নির্বাচনের পরের দিন সকালে স্পিকার কার্ল হেস্টারের তত্ত্বাবধানে অ্যাসেম্বলিমেম্বার মোরেনো শপথ গ্রহণ করেন।

আমি দুটি কারণে এই পথ বেছে নিয়েছিলাম: আমাদের প্রাক্তন অ্যাসেম্বলিমেম্বার এবং বর্তমান মেয়র জোহরান মামদানির কাজ আমাকে গভীরভাবে অনুপ্রাণিত করেছে, এবং আমি অ্যাসেম্বলিতে কাজ করার সুযোগকে এমন একটি যৌথ স্বপ্নকে এগিয়ে নেওয়ার উপায় হিসেবে দেখেছি যেখানে নিউ ইয়র্ক হবে সাশ্রয়ী, এবং কুইন্সের কর্মজীবী পরিবারগুলি উন্নতি করতে পারবে।

একজন ছোট শিশুর মা হিসেবে, আমি ট্রাম্প প্রশাসনের অধীনে আমার পরিবারের ভবিষ্যৎ নিয়েও ক্রমশ উদ্বেগ হয়ে পড়েছিলাম। আমি বিশ্বাস করি, আমাদের রাজ্য সরকারকে শক্তিশালী করতে এবং নিউ ইয়র্কবাসীদের রক্ষা করতে আমাদের পক্ষে যা যা করা সম্ভব, তার সবকিছুই করতে হবে।

আমাদের দপ্তর তা করতে একটুও দেরি করেনি। 4 ফেব্রুয়ারির সকালে, নির্বাচিত হওয়ার মাত্র কয়েক ঘণ্টা পরই আমি আলবানির উদ্দেশ্যে রওনা হয়েছিলাম শপথ নেওয়ার জন্য এবং আমার প্রথম বিল, 'নিউ ইয়র্ক ফর অল অ্যাক্ট' (A.3506)-এর সহ-স্পনসর হতে, যেটির উদ্দেশ্য হলো রাজ্য ও স্থানীয় সরকারি সংস্থাগুলিকে, আইন বলবৎকারী সংস্থাসহ, ICE-এর সঙ্গে যোগসাজশ করে আমাদের প্রতিবেশীদের আতঙ্কিত করা থেকে বিরত রাখা।



6 মার্চ, 2026: সিটি হলের সিঁড়িতে 'ট্যাক্স দ্য রিচ (ধনীদের উপর কর আরোপ করুন)' শীর্ষক এক সংবাদ সম্মেলনে বক্তব্য রাখছেন অ্যাসেম্বলিমেম্বার মোরেনো। (ছবি সৌজন্যে: আলেকজান্দ্রা চ্যান)

কয়েক সপ্তাহ পরে, আমি স্টেট সিনেটর ক্রিস্টেন গঞ্জালেজের সাথে এবং মেয়র মামদানির সমর্থনে আমাদের শহরের সবচেয়ে ধনী কর্পোরেশনগুলির উপর কর্পোরেট কর বাড়ানোর জন্য আমার প্রথম আইন (A.10340) পেশ করেছিলাম। এর মাধ্যমে আমাদের শহরের জন্য \$1.75 বিলিয়ন রাজস্ব আয় হবে এবং আমরা যে সাশ্রয়ী মূল্যের সংকটের মুখোমুখি, তা মোকাবিলার পথে এগিয়ে যাব।

প্রথম কয়েক মাস বেশ ব্যস্ততার মধ্যে কেটেছিল— আরও কিছু গুরুত্বপূর্ণ তথ্যের জন্য পড়তে থাকুন। আমরা আপনাকে এটাও মনে করিয়ে দিতে চাই যে আমাদের অফিস আপনার সেবার জন্য প্রস্তুত। এই নিউজলেটারে অ্যাসেম্বলি ডিস্ট্রিক্ট 36-এর বাসিন্দাদের জন্য উপলব্ধ বিভিন্ন রিসোর্সের একটি তালিকা রয়েছে। এবং সরাসরি সহায়তা পাওয়া বা অ্যাপয়েন্টমেন্ট করার জন্য আমাদের অফিসে ফোন বা ইমেল করতে দ্বিধা করবেন না।

সংহতির সাথে,

অ্যাসেম্বলিমেম্বার ডায়ানা মোরেনো

# ট্যাক্স দ্য রিচ (ধনীদের উপর কর আরোপ করুন)!

যখন আমরা আমাদের ডিস্ট্রিক্টের প্রতিনিধীদের সাথে কথা বলি, তখন আমরা নতুন রাজস্ব সংগ্রহ এবং সার্বজনীন শিশুত্বের মতো কর্মসূচিতে অর্থায়নের জন্য ধনীদের উপর কর আরোপের পক্ষে ব্যাপক সমর্থন দেখতে পাই।

ছোট সন্তান থাকে কর্মজীবী পরিবারগুলি আমাদের রাজ্য ছেড়ে চলে যাচ্ছে, মিলিয়নেয়ার বা বিলিয়নেয়াররা নয়।<sup>1</sup> মেয়র মামদানি এবং আমি যৌথভাবে যে সাশ্রয়ী মূল্যের এজেন্ডাটি সমর্থন করি, তার অর্থায়নের জন্য আমি আমার সাধ্যমতো সবকিছু করতে প্রতিশ্রুতিবদ্ধ।



আমাদের রাজ্য বাজেট প্রক্রিয়ার প্রথম ধাপ হিসাবে সেনেট এবং অ্যাসেম্বলির "এক-কক্ষ" বাজেট প্রস্তাবে আমার কর্পোরেট ট্যাক্স বিল (A.10340) অন্তর্ভুক্ত হতে দেখে আমি আনন্দিত হয়েছিলাম। আমি আমার বিল এবং 'ট্যাক্স দ্য রিচ' বিলগুলির সম্পূর্ণ প্যাকেজ পাস করানোর জন্য লড়াই চালিয়ে যাব, যার মধ্যে রয়েছে:

- একটি প্রগতিশীল রাজ্য আয়কর (A.1281) যা \$1 মিলিয়নের বেশি বার্ষিক আয়ের উপর নতুন ট্যাক্স ব্র্যাকেট তৈরি করবে।
- ফেয়ার শেয়ার আইন (A.8953) যা \$1 মিলিয়নের বেশি বার্ষিক আয়ের উপর 2% সারচার্জ আরোপ করবে।
- নিউ ইয়র্ক স্টেটের বৃহত্তম কর্পোরেশনগুলির উপর কর আরোপ(A.1971)

## আপনার জন্য লড়াই



যখন আমি আলবানিতে থাকি, তখন আমি আমাদের ডিস্ট্রিক্টের উপকারে আসতে পারে এমন আইন ও অর্থায়নের অনুরোধ নিয়ে নাগরিক এবং কমিউনিটি সংগঠনগুলির সঙ্গে ডজন ডজন বৈঠক করি। এই বছর আমার কয়েকটি প্রধান অগ্রাধিকার নিচে দেওয়া হলো:

- নিউ ইয়র্ক ফর অল অ্যাক্ট (A.3506) পাস করে অভিবাসী নিউ ইয়র্কবাসীদের রক্ষা করা, যাতে আইনের ভাষা শিথিল না করে ICE-এর সাথে আমাদের রাজ্যের সহযোগিতা বন্ধ করা যায়।
- গভর্নর<sup>2</sup> এবং জীবাম্ম জ্বালানি শিল্প যেসব পরিবর্তনের মাধ্যমে নিউ ইয়র্কের জলবায়ু আইনকে দুর্বল করতে চাইছে, সেগুলির বিরুদ্ধে আইনটিকে রক্ষা করা। আমাদের অবশ্যই 15 GW সরকারি নবায়নযোগ্য শক্তি তৈরি করতে হবে এবং এর জন্য \$200 মিলিয়ন ডলার নির্দিষ্ট ফান্ড বরাদ্দ করতে হবে।
- 450,000 নিউ ইয়র্কবাসীর স্বাস্থ্য বীমা বাঁচানো যাদের এসেনশিয়াল প্ল্যান কভারেজ ট্রাম্প প্রশাসনের "ওয়ান বিগ বিউটিফুল বিল" দ্বারা হ্রাস করা হয়েছিল।
- স্টপ সুপার স্পিডার্স অ্যাক্ট (A2299) পাস করানোর মাধ্যমে আমাদের রাস্তাগুলোকে নিরাপদ করা, যা সবচেয়ে বেপরোয়া চালকদের গাড়িতে গতিসীমা নিয়ন্ত্রক যন্ত্র স্থাপন বাধ্যতামূলক করবে।
- টিয়ার 6 সংশোধন করা যাতে সরকারি কর্মচারীরা তাদের প্রাপ্য পেনশন সুবিধা পান।



আমরা আপনার মতামত শুনতে চাই: আইন প্রণয়নের জন্য আপনার কোনো মতামত বা ধারণা থাকলে, আমাদের ইমেল করুন বা ফোন করুন।

<sup>1</sup> <https://fiscalfpolicy.org/new-families-with-young-children-in-search-of-housing-drive-state-population>

<sup>2</sup> <https://www.cityandstateny.com/policy/2026/03/after-weeks-public-teasing-hochul-outlines-proposals-roll-back-climate-law-mandates/412278/>

# কমিউনিটিতে



13 ফেব্রুয়ারি, 2026: অ্যাসেম্বলিমেম্বার মোরেনো 'সেন্টার ফর দ্য ইন্টিগ্রেশন অ্যান্ড অ্যাডভান্সমেন্ট অফ নিউ আমেরিকানস'-এর নতুন কম্পিউটার রিসোর্স রুমের উদ্বোধনে ফিতা কাটছেন। (ছবি সৌজন্যে: ইভলিন মার্টিনেজ, NYC সিভিক কর্পস সদস্য, 2025-26, CIANA Inc.-এ)



27 ফেব্রুয়ারি, 2026: লুনার নিউ ইয়ার উদযাপন উপলক্ষে লং আইল্যান্ড সিটি পার্টনারশিপ আয়োজিত 'নেবারহুড লায়ন ডান্স' অনুষ্ঠানে বক্তব্য রাখার পর অ্যাসেম্বলিমেম্বার মোরেনো একটি ছবির জন্য পোজ দিচ্ছেন। (ছবি সৌজন্যে: রেইকো ইউ ইয়ানাগি)



27 ফেব্রুয়ারি, 2026: অ্যাসেম্বলিমেম্বার মোরেনো কুইন্সের 'ভ্যারাইটি বয়েজ অ্যান্ড গার্লস ক্লাব'-এর সাথে অ্যাস্টোরিয়ায় তাদের কাজ এবং ভবিষ্যৎ সহযোগিতার সুযোগ নিয়ে আলোচনা করতে সাক্ষাৎ করছেন।



3 মার্চ, 2026: অ্যাসেম্বলিমেম্বার মোরেনো 'মিউজিয়াম অফ দ্য মুভিং ইমেজ'-এ এপিসেন্টার NYC-র সহ-আয়োজিত একটি ইফতার দিনারে অংশগ্রহণ করছেন।



4 এপ্রিল, 2026: লং আইল্যান্ড সিটিতে NYC ডিপার্টমেন্ট অফ কনজিউমার অ্যান্ড ওয়ার্কার প্রোটেকশন (DCWP)-এর একটি অনুষ্ঠানে বক্তব্য রাখার পর অ্যাসেম্বলিমেম্বার মোরেনো, ন্যাশনাল ডোমেস্টিক ওয়ার্কার্স অ্যালায়েন্স, ডেপুটি মেয়র জুলি সু এবং কমিশনার স্যামুয়েল লেভিনের সাথে।



5 ফেব্রুয়ারি, 2026: কংগ্রেসমেম্বার আলেকজান্দ্রিয়া ওকাসিও-কর্টেজের আয়োজিত অ্যাস্টোরিয়ায় টাউন হলে অ্যাসেম্বলিমেম্বার মোরেনো এবং তার পরিবার অংশগ্রহণ করছেন। (ছবি সৌজন্যে: সাইলাস এমারসন হ্যারিস)

## আমাদের সাফল্য:

দায়িত্ব গ্রহণের পর প্রথম কয়েক মাসেই আমাদের নাগরিক পরিষেবা দল শত শত নাগরিককে সাহায্য করেছে। এখানে কয়েকটি উদাহরণ দেওয়া হলো:

- আমরা সফলভাবে অ্যাস্টোরিয়ায় পাঁচজনের একটি পরিবারকে SNAP এবং এনার্জি অ্যাফোর্ডেবিলিটি প্রোগ্রাম (EAP) সহ সরকারি সুবিধাগুলির আওতায় এনেছি।
- আমরা একজন নাগরিককে তার ইউনিয়নের সুবিধাদি পেতে সাহায্য করেছি।
- আমরা বাড়িওয়ালার প্রতিশোধমূলক আচরণের বিরুদ্ধে একজন নাগরিককে আইনি সহায়তার ব্যবস্থা করে দিয়েছি।
- আমরা 40 জনেরও বেশি নাগরিককে তাদের বেকার ভাতা পেতে সাহায্য করেছি।

আপনার কি সহায়তা প্রয়োজন? আজই আমাদের অফিসে ফোন করুন বা ইমেল করুন!

(718) 545-3889 ad36@nyassembly.gov

# তথ্যসূত্র

- আপনার ইউটিলিটি বিল কমাতে আবেদন করুন! নিউ ইয়র্ক এনহ্যান্সড এনার্জি অ্যাফোর্ডেবিলিটি প্রোগ্রাম (EEAP)-এর জন্য আবেদন এখন খোলা আছে, যা স্বল্প ও মধ্যম আয়ের পরিবারগুলিকে তাদের বিদ্যুৎ বিল পরিচালনায় সহায়তা করার জন্য মাসিক সহায়তা প্রদান করে। আরও জানুন এবং আজই nyeeap.com-এ আবেদন করুন।
- বেকারত্ব ভাতার জন্য আবেদন করতে সমস্যা হচ্ছে? বেকারত্ব ভাতার জন্য আবেদন করতে, দাবি করতে এবং তা পেতে সমস্যা হচ্ছে জানিয়ে আমাদের অফিসে অনেক বেশি সংখ্যক নাগরিক অভিযোগ করেছেন। আমাদের নাগরিক পরিষেবা কর্মীরা আপনাকে এই প্রক্রিয়াটি বুঝতে সাহায্য করতে এবং আপনার পরিস্থিতি সংশোধন করার জন্য যথাসাধ্য চেষ্টা করতে এখানে আছেন। শুরু করার জন্য আমাদের অফিসে কল করুন।
- অভিবাসন সংক্রান্ত আইনি সহায়তা নিন। পাঁচটি বরোতে নির্ভরযোগ্য সাহায্য পেতে, মেয়রের অফিস অফ ইমিগ্র্যান্ট অ্যাফেয়ার্সের ইমিগ্রেশন লিগাল সাপোর্ট হটলাইনে (800) 354-0365 নম্বরে কল করুন। এবং যদি আপনার অভিবাসন বা নাগরিকত্ব সংক্রান্ত প্রশ্ন থাকে, অভিবাসী পরিষেবা এবং প্রোগ্রামগুলির জন্য রেফারেলের প্রয়োজন হয়, অথবা অভিবাসী কমিউনিটির গুলির বিরুদ্ধে জালিয়াতি বা প্রতারণার বিষয়ে রিপোর্ট করতে চান, তাহলে নিউ ইয়র্ক স্টেট নিউ আমেরিকানস হটলাইনে (800) 566-7636 নম্বরে কল করুন।



## অভিবাসী হিসেবে আপনার অধিকারগুলি জানুন



- আপনার ফোনের ক্যামেরাটি নিচের QR কোড -এর দিকে তাক করে কয়েক সেকেন্ড ধরে রাখুন।
- তথ্যটি অ্যাক্সেস করতে প্রদর্শিত নোটিফিকেশনটিতে আলতো টোকা দিন।



nyc.gov/KnowYourRights



অভিবাসন সংক্রান্ত আইনি সহায়তা প্রয়োজন?  
NYC-এর ইমিগ্রেশন লিগাল সাপোর্ট হটলাইনে কল করুন:

**800-354-0365** নম্বরে

সিটির পরিষেবা সম্পর্কে কোনো প্রশ্ন আছে?  
অভিবাসনের স্থিতি নির্বিশেষে, সকল নিউ  
ইয়র্কবাসীর জন্য অনেক পরিষেবা উপলব্ধ আছে।  
সাহায্যের জন্য কল করুন:

**311** → নম্বরে দোভাষী পরিষেবা  
উপলব্ধ আছে

উভয় ফোন নম্বরই বিনামূল্য, গোপনীয় এবং নিউ  
ইয়র্ক সিটি সরকার কর্তৃক প্রদত্ত।



Assemblymember

**ডায়ানা  
মোরেনো**

24-08 32nd St., Suite 1002A  
Astoria, NY 11102

(718) 545-3889 ad36@nyassembly.gov

24-08 32nd Street, Suite 1002A  
Astoria, NY 11102

## হ্যালো! আমি আপনাদের নতুন অ্যাসেম্বলিমেম্বার।

এই নিউজলেটারে আপনি আমার সম্পর্কে, আমি কী নিয়ে কাজ করছি এবং  
আমাদের অফিস আপনাকে কীভাবে সাহায্য করতে পারে, সে সম্পর্কে আরও  
জানতে পারবেন।



¡Hola! Soy su nueva asambleísta estatal. Escanee el  
código QR para leer este boletín en español.

হ্যালো! আমি আপনাদের নতুন স্টেট এসেম্বলিমেম্বার। এই QR  
কোডটি স্ক্যান করুন বাংলায় নিউজলেটারটি পড়তে।

مرحباً! أنا ممثلكم الجديد في المجلس التشريعي للولاية. امسح رمز  
الاستجابة السريعة (QR) لقراءة هذه النشرة الإخبارية باللغة العربية.

